

中國方志叢書・華中地方・第七七七號

據

清・譚尚書纂修輯
清同治十一年刊本

影印

江 西 省

禾川書

(一)

成文出版社有限公司印行

永新澧田譚尚書著

禾川書

板藏本

禾川書序

永新介吳楚邊陲於山有義峯
秋潁之奇於水有禾川聰泉之
勝於人物有四相之遺徽而又
文苑儒林忠孝節義接踵而起
縣志徵先洵江右之奧區人文

補纂也今年春余補授斯篆
甫下車適有修志之舉在事諸
君子網羅舊編以資纂輯其載
在藝文尤稱典贍者自劉杲齊
之人物錄尹髦史之萬歷志外
惟以禾川書為最禾川書者邑

西澧田 譚述唐先生所著也
先生博學宏才為邑名宿顧蹟
於棘闈僅以明經司鐸老士林
惜之而先生恬然羶席以鉛槧
自娛深慨乾隆丙寅志與穢史
同譏爰取史鑑諸書及本邑先

正名集有關邑乘者莫不旁搜
博採折衷焉以求其是蓋鍵戶
吮毫幾經楹筴凡為書二十卷
分門二十三其體例精以嚴其
考據詳而審其議論閎以通信
乎補闕正訛有功於邑志不小


矣其裔孫等懼遺編久而散佚
謀付梓以永其傳是亦後起者
之善繼善述也於其剞劂既竟
因為綴言簡端如此

告

明治十一年歲在壬申小陽月

關進士出舉同知銜知永新縣
曹楚南蕭玉春璧卿氏頌首

拜撰



禾川書自序

樂子正記寰宇晏元獻著典要昔人以爲舉天下郡國之綱而
家氏坤翁獨怪其不用情州閭發揮宗國之盛夫莊舄爲越吟
鍾儀操南音州閭不用情誰當用之尙書天資愚陋胸無天下
大簿帳欲效聾子正元獻有志焉未逮也暇居無事取宗邑風
土人文略加攷核比諸越吟楚音庶幾近之若持此以傲樂晏
所不及夫何敢夫何敢

乾隆十二年十月永新後學澧田譚尙書璧堂甫謹誌

永川書凡例

一永川風土人文宋令柴公必勝明學博曹君謙所著圖經俱不傳僅存者前明劉文安公永新人物錄尹宗伯耄史

本朝何廣文屬乾又尙集王邑侯運禎癸亥志四書而已又尙集可議孔多王志之謬所謂鄭伯效尤者也人物錄耄史雖非之書可比然沿襲舊聞智者問有一失予考據史鑑搜羅羣籍正譌補闕總求徵信非故好覈凡援引必註出處使閱者知所從來得以定其是而講去其非名宦寓賢人物列女並據傳文其據耄史王志及郡省志增損成篇者不復註或

別有擇則另誌於後若其一概稱名仿史體也至於乾隆
丙寅譌志附會無稽罄竹難書茲略及一二餘皆附之自鄧
一分野之次荊州占翼軫揚州占斗牛永新吳頭楚尾實介二
州之間卽里推求難必至當予才慚騶衍不敢設天聊以蕭
子顯天文者藉口至建縣所自始諸志紛紛無稽今據陳壽
三國志攷正特創沿革表繼之以考識者覽之不知何如也
一封爵徵藩服舊區形勝見一邑地利闕而不書殊屬踈略特
爲搜集以資叅攷若山川之靈秀邑乘所載散而無紀茲別
加纂輯庶覽者入目瞭然

一城池保障攸關學校人才所出官署爲臨蒞之所衣冠瞻仰
皆要務也歷代繕修各纂成篇無瑣無漏至學校之外別設
書院尤長民者作養盛舉邑乘僅於學校後附志小學崇正
書院餘皆失紀今特加採集補書院一書無沒前績兼勸後
來

一明德惟馨非鬼不祭野廟淫祠一槩從刪其正祀中間有濫
廁者悉加辨論無使魚目久混他若邱墓古蹟資人憑弔稍
涉附會咸爲攷核異示有徵

一邑災異天戒所示使人遇之而懼邑乘止載數事且有訛

并悉加攷正并舉耳目所睹聞者載之至於干戈搶攘人民塗炭尤屬非常之灾略而不紀何以鑒前事而思患預防哉
藝補兵寇一書以紀世變

一四方風氣瀟灑雜出志古鏡今無容過諱多採成說俾後人閱之守其淳而變其澆若文武官員臨蒞茲土縱無政績焯著例應列名卷內邑乘自漢末至元闕漏孔多略爲搜補終苦未備其籍貫來任年歲俱加攷正

一邑乘選舉一條鄉會各以類聚殊失體裁是書鄉會蟬聯標科分於前然後以姓名載之左方武科亦然至歲貢薦辟封

廕俱依世次先後有訛必正無遺不搜

一文武正雜各官凡有功德可紀者雖屬攝篆必立傳以誌遺愛要統歸名宦無容類中分類諸志煩多訛舛嚴加辨正間或增刪皆有根據非率臆也至於地以人重寓賢是載舊多附會未敢承誤

一邑乘誌鄉賢事蹟分條別類恐多未安茲通列人物不復分門以便後來續人其辨正訛謬敢云一字之嚴聊存三代之直耳

本朝自癸亥以後續載人物無多雖似未盡而實已盡於此也

至於一代正史有一人事蹟本傳未載而附書他人傳者有別見他書不及盡採者此史家別裁是書意欲表章先賢有美必錄凡史傳所遺廣搜增益實求大備非故好異

一貞妻烈婦賢媛才女概入列女考核訛舛亦如人物若工技片長即錄則又節取之意云

一思乘藝文不分體類未便覽觀且多遊寺棲禪之作特痛刪之購求諸家文集廣採博徵各體備載要取其有關地方政教風化者錄之至山川形勝題名記事止擇文筆最佳者其餘繁多割愛

一歷代職事時見他說收入雜錄聊以備覽

一是書專爲正譌補闕而作戶口田賦漕運軍屯原有現在奉
行款項雖作僞者不能增損也故未及又生平不喜佛老寺
觀仙釋一槩不登惟山川書略及禾山甘露寺一筆以三相
堂在寺中爲一邑古蹟不及此寺則堂無所附非自亂其例
也

丙寅冬蒼梧王侯修邑乘甫出物議沸騰會桐川程公祖
來攝縣事予與內兄左彷彿先生率邑之縉紳士具揭請
燬刊有禾川新志正譌錄時予摘發新志疵謬因略覽舊